



## **Jus Canonicum Practice Explicatum**

Seu Decisiones Casuum Ad Singulos Decretalium Gregorii Papæ IX. Titulos,  
& ad Consuetum Referendi Modum accommodatae

Complectens dimidiam Decretalium Partem, videlicet nonaginta duos  
Titulos, nimirum usque ad Titulum XX. Libri de Feudis exclusivè

**Pichler, Vitus**

**Ingolstadii, 1728**

Decisio II. De Parotho ad solvenda vectigalia per Officiale Laicum  
adacto.

---

[urn:nbn:de:hbz:466:1-62305](#)

# TITULUS II.

## De Constitutionibus.

### DECISIO II.

De Parocho ad solvenda vectigalia per Officiale Laicum adacto.

#### SPECIES FACTI.

**N**on ita pridem Parochus quidam extraneus in alienam provinciam unā & altera vice plaustrum propriō frumentō onustum invexit, ut ibi venderet: sed Præfектus telonii ad fines provinciæ suarum partium esse duxit ab auriga vectigal exigere, non ignarus, quod veheret frumentum Parochi; quod telonium ille recusavit, exemptionem sui heri causatus. Pro illa vice acquevit Præfectus: at post aliquot hebdomades cùm rursum per eandem viam aliud frumentum ejusdem Parochi inveheret præfatus auriga, & petitum denuo vectigal recusaret, exhibens schedam manu Parochi, suum id frumentum esse attestantis, exaratum, telonarius equum curru solutum retineri jussit, & pignorari, donec auriga eidem vectigal solvisset. An omnes haec circumstantiae, qualiter mihi relatæ sunt, intervererint in facto, non scio. Sed quidquid sit, facta hypothesi, an bene fecerit telonarius, palam faciet resoluta

#### QUÆSTIO.

An Clerici teneantur legibus teloniorum per Laicos Principes vel Magistratus positis.

**U**thujus vectigalium Præfecti excusaret factum, nonnemo seu serio, seu fidei obligationem Clericorum asserrere conabatur sequentibus ex argutis. (R.P. Pichler Deciones)

I. Clerici obligantur aliis legibus laicorum in rebus temporalibus, si non vi coactiva, saltem vi directiva, & ex decentia, v. g. legibus, quæ

B

quæ taxam ponunt mercibus, frumenta exportari è provincia prohibent &c. Communis cum Haunoldo tr. proem. à n. 80. Concordat Can. adjutorium dist. 10. Can. in Legibus. caus. 12. q. 2. Et ergo etiam obligantur lege vectigalia imponente; præsertim si sint extranei, qui in spiritualibus non serviant patriæ, ut fuit iste Parochus, & tamen commodum in patria querunt; quidn & onus sentiant? Dein de tali extraneo non constat, an non negotiationem exerceat cum frumentis, eaque emerit prius minori, ut alibi vendat majori pretio lucri gratia: cujusmodi negotiatores nec de Jure Canonico exempti sunt à gabelis, portoriis, & vectigalibus. c. fin. de vit. & bon. Cler. c. 4. in 6. & Clem. 3. de Censib. Nec opus est, ut prius ter, immo semel tantum, ab Episcopo sint moniti, ut à negotiando desistant. per Jura cit. Felin, Sanch. & Cancel. Schmid. Semicent. 2. controv. 19. n. 9. cum communiori.

II. Quamvis Clerici non obligantur in Bavaria ad ind. bita, Umgelt; quæ vel à Principe, vel à Civitatibus exiguntur ex potulentis, vino & cerevisia, quæ venduntur; tenentur tamen ad accisa, præsertim limitanea, Gränz-Uffschlag / à Statibus Provincialibus per legem imposta pro vinis exteris in Bavariam illatis; uti & ad 6. mensuras de singulis urnis vini jam importati, seu potius illarum pretium, quo in tabernis venduntur, iisdem Statibus solvendum titulò indebiti, Umgelt/ ac insuper ad alias duos florenos de

singulis urnis titulo accisi, Uffschlag. Cur ergo immunes sint à gabelis & vectigalibus, præsertim cum accisa limitanea valde vicina sint vectigalibus, quæ exiguntur pro rebus terræ adiectis, & vocantur Zoll/ ac portoriis, quæ exiguntur pro rebus aquâ adiectis, & dicuntur Mauth/ adeoque telonis, quæ utriusque fortis exactiones complectuntur velut genus duas species?

III. Clerici, & personæ Ecclesiastica tenentur ad transitorum, seu ad aliquid præstandum pro libero transitu viæ publicæ, uti ad pedagia, Weeg-Gelder/ pontenagia, Bruck-Gelder/ & pontivegia Urphar-Überfuhr-Gelder per naves peniles vel rotatiles super aquas ab uno littore ad aliud. Phil. Knipschild de jure & privil. Civit. Imper. l. 2. c. 17. n. 46. 79. & c. 10. n. 30. Klock. de vectigal. tb. 27. cum Carolo Molino, Rosenthal de Feud. c. 5. concl. 81. n. 2. ergo etiam obligantur ad teletonia ratione curruum, cum quibus transirent.

IV. Licet personæ Ecclesiastica non ligentur forte legibus & statutis Laicorum, consuetudine tamen Laicorum ligari possunt, utpote quæ etiam in causis Ecclesiasticorum attenduntur juxta c. constitutus de in integr. ref. c. 3. de eo, qui mittitur. Et tali consuetudini innititur statutum Bavicum der erklärten Lands-Freyheit p. 1. art. 7. ubi Status Provinciales Ecclesiastici subjiciuntur Dicasterii Laicis summis Bavariae Principis etiam in personalibus, in Persönlichen Sprüchen/

q̄en/ quæ nimirum , ut Legislator in præfatione ad d. p. i. explicavit , res & bona , non personas Prelatorum concernunt : ergo Clerici inferiores , & omnes Clerici sacerdotes , qui non sunt Status Provinciæ non debent esse melioris conditionis .

V. Princeps & Magistratus sacerdotis obtinet dominium altum in omnia bona temporalia suæ Provinciæ & ditionum , vi cuius etiam per leges ex publica causa , bonum & utilitatem communem spectante , de iis disponere potest , v. g. per legem Prescriptionis : & ex hoc capite potest diruere aedes , occupare fundos &c. subditorum ad construenda munimenta &c. si ita exigat necessitas vel utilitas Reipublicæ : sed portoria & vectigalia exiguntur ob necessitatem vel utilitatem Reipublicæ , cujus membra etiam sunt personæ Ecclesiasticæ : ergo etiam à personis Ecclesiasticis jūtè exiguntur portoria & vectigalia . Nec inde eximi possunt Clerici extranei , præsertim si in alienis terris , in quas suas merces invehunt , inhiēnt lucro ; cùm non debeant esse melioris conditionis , quām incolæ : & extranei , si ingrediantur alienas terras , legibus contractuum & similibus obligentur .

VI. Neque hujusmodi leges , quæ generaliter imponunt omnibus portoria & vectigalia , lēdunt libertatem & immunitatem Ecclesiasticam , eò quòd nec directè afficiant Clericos , cùm nullam horum mentionem faciant , nec indirectè , eò quòd solum per acci-

dens sit , ac præter intentionem legislatoris Laici , si Clerici , qui fortè cum mercibus transeunt , hoc onere simul involvantur ; sicut per accidens est , & non contra immunitatem Ecclesiasticam , si Clerici debeant vina , cerevisiam , carnes &c. cariori pretio emere ex eo capite , quòd à cauponibus , praxatoribus , macellariis &c. exigantur accisa , ac propterea dictæ merces carius vendantur . Confirmatur : Lex propter bonum publicum statuens , ne certi generis merces exportentur ad exteriores , non peccat in exteriores , neque horum violat libertatem : ergo neque lex propter bonum publicum , indistinctè imponens vectigalia , gallinas &c. peccat in Clericos , nec eorum violat libertatem .

Sed hæc adeò infirma sunt , ut sine dubitatione tenendum , malè omnino , contra Jus Civile æquè , ac SS. Canones , egisse hunc telonii Præfectum , exigendo vectigal à Parochio frumentum invehente in alienam Provinciam , & pejus executivè procedendo per arrestationem equi , & sic extorquendo vectigal . Siquidem non tantum in Jure Canonico clarus & maximopere notandus exstat textus in c. 4 de Censib. in 6. ibi : quamquam pedagiorum exactiones tam in Jure Canonico , quam Civili , regulariter merito sint damnatae , tantò tamen difficiens , ne ab Ecclesiis & personis Ecclesiasticis talia exigantur , prohiberi oportet , quantò , si id fiat , major inde transgressionis reatus incurritur , & offensa evidentior comprobatur . Cùm igitur Eccl-

Ecclesiæ, Ecclesiasticæque personæ, ac NB. res ipsarum non solum Jure Humano, quin in d. & Divino à secularium personarum exactionibus sint immunes. --- adiicimus districtiūs inhibendo (contrariā consuetudine quorumcunque, quæ dicenda est corruptela verius, non obstante.) ut nec Collegium nec Universitas, nec aliqua etiam singularis persona, cuiuscunque sit dignitatis, conditionis, aut statutis, a prefatis Ecclesiis aut personis, pro personis ipsis, aut NB. rebus prædictis talia exigat. Qui vero contra fecerint, si personæ fuerint singulares, excommunicationis &c. Verum etiam in Jure Civili, ubi Frid. Imperator in Auth. Item nulla sub poena Imperialis banni, & sub poena tripli prohibet, ne communitas, vel persona publica vel privata, collectas, vel exactiones, angarias, vel parangarias, Ecclesiis, vel aliis piis locis, aut Ecclesiasticis personis imponere, aut invadere Ecclesiastica bona præsumant. Ubi Doctores cum Rullando sub verbo exactiones etiam determinatè intelligunt teloniorum præstationes. Neque hæc Jura solum de bonis in fundationem datis, vel intuitu Ecclesiæ acquisitis, sed etiam de patrimonialibus Clericorum & aliunde acquisitis exaudienda sunt, ut ostendit Illustriss. Cancellar. Schmid Semicent. 2. controv. 19. n. 5. Unde

Ulterius sic arguo I. Clerici & personæ Ecclesiasticæ non ligantur ullis legibus aut statutis Laicorum, quæ adversantur immunitatì & libertati Ecclesiasticæ: sed lex, imponens telonia Clericis sive directe sive indirecte,

tacitè vel expreßè, adversatur libertati Ecclesiasticæ: ergo. Ma. est tam evidens ex utroque Jure, ut nullus Jurista cordatus in dubium vocare possit propter Auth. Cassa. C. de SS. Eccles. ibi: Cassa & irrita esse denuntiari per totam Italiam præcipimus omnia statuta, & consuetudines, contra libertatem Ecclesiæ, ejusque personas industrias adversus Canonicas & Imperiales sanctiones -- & de cetero similia attenuata ipso Jure nulla esse decernit. & propter c. noverit. c. gravem. de Sent. Excomm. c. 1. c. fin. de Immunit. Eccles. in 6. ubi etiam excommunicatione fulminantur, qui talia statuta fecerint, servaverint, vel secundum ea judicaverint; quam auger Bulla Coenæ in casu. 5. eam Sedi Apostolice reservando latam in eos, qui statuta, ordinationes, constitutiones, pragmaticas, seu quævis alia decreta in genere, vel in specie, ex quavis causa, & quovis queſito colore, ac etiam pretextu cuiusvis consuetudinis, aut privilegi, vel alias quomodolibet fecerint, & ordinarerint, & publicaverint, vel factis, & ordinatis usi fuerint, unde libertas Ecclesiastica tollitur, seu in aliquo leditur, vel deprimitur, aut alias quovis modo restringitur, seu Nostris & dictæ Sedis ac quarumcunque Ecclesiæ juribus quomodolibet, directe vel indirecte, tacitè vel expreßè præjudicatur. Sed pariter certa est Min. nam contra libertatem Ecclesiasticam à plerisque omnibus censetur esse statutum, vel lex, quæ disponit contra privilegia, immunitates, vel Jura, Ecclesiæ,

suis, aut personis vel rebus Ecclesiasticis aliunde concessa, nempe Jure Naturali, Divino, Gentium, Canonico, Civili, earumque conditionem facit deteriorem. text. & DD. in Auth. &c. noverit. c. fin. cit. c. cum terra de Elec. c. quantò de privil. c. 10. de Constit. Carolus de Graffis de Effed. Cleric. eff. 2. n. 66. seqq. nam libertas nihil est aliud, quam naturalis facultas faciendi, quod liber. l. libertas. ff. de stat. hom. vel de re sua disponendi pro libitu, vendendo, transportando, destruendo, consumendo. l. in re mandata C. Mandati, non obstante, quod dispositio cedat per accidens in præjudicium tertii. l. fluminum f. ult. ff. de damno inf. quando ergo per legem restringitur Ecclesiis & Clericis hæc facultas, iæditur eorum libertas. Atqui lex (vel Officialis Laicus) adstringens Clericos & personas Ecclesiasticas ad præstaciones teloniorum tollit vel minuit privilegium, & exemptionem, ipsis concessam à Jure tam Civili quam Canonico, ut vidimus, facit ipsarum conditionem deteriorem, & minuit facultatem disponendi de rebus suis liberè &c. ergo tollit vel minuit libertatem Ecclesiasticam, eique adversatur.

Arguo II. Certum & indubitable est, neminem posse suis legibus ligare eos, in quos non habet jurisdictionem, sive in specie illorum faciat mentionem, sive generaliter illos comprehendere sub legibus intendat. l. fin. ff. de Jurisdic. t. t. C. si à non competit. c. 8. de divortiis. ut adeò

jurisdictionio ex parte statutum vel legem condentis sit esseuale requisitum, ac substantiam legis afficiat: sine substantia autem nulla qualitas considerari potest. l. nec ullam f. absentis. & ibi Ang. ff. de petit. hered. quia facere statutum vel legem est de lege jurisdictionis, per l. omnes ff. de Just. & Jure. nam sicut dominium proprietatis respicit rem suam, ita dominium jurisdictionis subditos suo: sicut ergo non subditus non sortitur forum, ita nec legibus ligatur; paria enim sunt, vel eadem, esse subditum, sortiri forum, & legibus ligari. Gloss. & DD. communiter in c. quod Clericis de for. comp. sed Laicis nulla prorsus competit jurisdiction in personas Ecclesiasticas c. 7. c. 10. de Constit. c. 12. c. 18. de for. comp. Auth. Cassa cit. Generale Concil. Lateran. sub Leone X. ff. 9. in Bullare reformat. ubi sic ait: cùm à Jure tam Divino quam Humano Laicis nulla potestas in Ecclesiasticas personas attributa sit. Neque in res dictarum personarum. c. fin. de. vit. & honest. Cleric. c. 1. de Immunit. Eccles. c. 10. & Auth. Item Nulla citt. c. cum Laicis. de reb. Eccl. alien. & notanter c. 4. de Censib. in 6. quia res & bona sunt accessoria personarum. can. similiter caus. 16. q. 1. & accessorium sequitur suum principale. c. accessorium de R. J. in 6. Vid. Gonzal. ad b. t. n. 1. 10. seqq.

B 3

telonii noster; licet enim statutis Lai-  
corum, quae non cedunt contra li-  
bertatem Ecclesiasticae, quando-  
que obligentur aliunde vi directiva  
vel indirecte, ut aliqui loquuntur,  
nimirum vel ex decentia Naturali, vel  
ex voluntate Pontificis & approbatio-  
ne Juris Canonici, non tamen obli-  
gantur quoad vim coactivam, ita ut  
Judex Laicus facere possit executio-  
nem, punire, rem auferre, vel ar-  
restare &c. Sed debet reum conve-  
nire coram Judice Ecclesiastico, ut  
is exequatur vel puniat &c. Carol. de  
Graffis n. 484. seqq. cum innumeris:  
Illustriss. Zeller Confil. 13. n. 73. seqq.  
Illustriss. Cancell. Schmid controv. 21.  
n. 5. seqq. nimirum propter defectum  
jurisdictionis ex parte laicorum in per-  
sonas Ecclesiasticas (quas earum res  
repräsentant) præsertim ubi interve-  
nit delictum.

Atque asserta hucusque immunitas  
Clericorum à portoriis & vecti-  
galibus adeò in usu est per totum  
Imperium, ut eandem etiam Acatolici  
Principes & Status obseruent, te-  
stibus Acatolicis Scriptoribus, ut  
laudatus Cancellar. in fine controv.  
19. cit. animadverxit. Allego hunc  
Auctorem in hac materia eo liben-  
tius, quia Patrius est, & in Bava-  
ria summam habet auctoritatem,  
ac insuper Immunitatem Ecclesiasti-  
cam pro sua profunda scientia utrius-  
que Juris longè peritus tractat, &  
pro sua pietate longè reverentius ha-  
bet, quam alii, vel in Jurispruden-  
tia obiter tincti, aut SS. Canonum

serè ignari, vel turpes Principum fa-  
cicularium adulatores, aut profligati  
conscientiae homines, personarum  
que Ecclesiasticarum osores, & vix sa-  
tis Catholici.

Nunc respondere ad opposita dif-  
ficile non est. Ad 1. Clerici quidem  
obligantur vi directiva quibusdam le-  
gibus Laicorum vel ex decentia na-  
turali, vel ex voluntate Pontificis,  
aut Juris Sacri illas approbatibus (non  
vi legum à Laicis positarum propter  
defectum jurisdictionis in serente le-  
ges) seu indirecte, ut aliqui loquun-  
tur; nullo tamen modo, etiam pau-  
lo antè explicato, obligantur legibus  
& statutis libertati Ecclesiasticae præ-  
judicantibus; cum his resistant Jura  
tam Sacra, quam profana, eisque  
obligari Clericos non permittant, ut  
ostensum est, sed leges teloniorum  
repugnant & præjudicant libertati Ec-  
clesiasticae, & immunitati Clerico-  
rum ac personarum Ecclesiasticarum,  
ut pariter declaratum. Neque de-  
centia naturalis ad telonia adstringit  
Clericos Laicis solvenda; imò decentia  
naturalis potius exigit non solvi pro-  
pter eminentiam statutis Sacri. Audi  
pulchra verba Sigismundi Imperatoris  
apud Goldastum p. 1. Conf. Imper.  
in vita Sigismundi. Ein Priester /  
inquit, ein Ordens- Mann / ein  
Ritter / ein Knecht Adel / sollen  
nit Zoll geben: die Geistlichen da-  
rum / daß sie dessen Diener seyn/  
von dem all unser Freyheit kommt /  
und der ein Haupt ist aller Ge-  
schöpfen; der Adel darum, daß  
sie

sie das Recht beschirmen und verhüten/ ihr Leib und Leben darstrecken sc. Quod iste Parochus fuerit extraneus, seu extra provinciam, in quam importavit suum frumentum, nihil facit ad rem; quia non fuit extra statum Clericalem & Ecclesiasticum, cui competit privilegium exemptionis, libertatis, & immunitatis Ecclesiasticae per totum Mundum, & ita, ut eidem nec ipse renuntiare valeat. Quod autem negotiandi, & lucri captandi causā importaverit, h. e. frumentum prius emerit, ut carius venderet, non präsumi, utpote factum, imò delictum contra SS. Canones, sed prius concludenter probari debuisset. Onus sentire non debent, quod exemptis imponi non potest.

Ad 2. Eruditè & solidè respondet Cancellar. Schmid. sicut in 2. controlo. 24 ubi distinguit tria accisorum genera: primum est, quod imponitur cauponibus, cerevisiarii, lanionibus &c. tanquam subditis Magistratu sacerdotali, qui proin vina, cerevisiam, carnes cariori debent pretio vendere: & ab his accisis, si Clerici emant hæc victualia per mensuras & pondera, non sunt immunes, sed debent illa emere communi & taxato pretio; cum hoc gravamen nec directè nec indirectè ipsis impositum sit, sed solum per accidentem eo implicentur. Alterum est, quod forte à Clericis exigeretur, si ex vienit propriis in aliena provincia sitis vina importent ac vendant, vel si ex hordeo, sive proprio sive coempto, pro se tantum & sua familia coquant

cerevisiam, non tamen vendant, vel si proprios boves, oves, sues, & alias domesticas pecudes ad domesticam utilitatem mactari faciant: & ab his accisis propter suam libertatem Clericalem omnino immunes, & periculorum ait esse exigere propter defecuum jurisdictionis in Magistratu sacerdotali, qua unica exigendi causa est. Tertium genus est, quod forsitan prætenderent Laici à Clericis, si per se, aut famulos suos, vel alios, in vicinas provincias, v. g. Sueviam, Franconiam, Tyrolim, excurrant, & potulenta pro sua vel commoditate vel necessitate domestica, non negotiationis causa, in Bavariam importent; & ab his, quæ titulō accusorum limitaneorum, Gränitz-Auflschlag / exiguntur in finibus Patriæ, quia pertinent ad jura veigilium, absolvit, sicut eiam ab indebitis / Um-gelt / sex mensurarum deß 6. in assigen Auflschlags Principi, vel Magistratus civitatum, imò & illarum 6. mensurarum, quas exigunt Status Provinciales, solvendis absolvere nititur; quin etiam ab accisis duorum florenorum iisdem solvendorum, quos tamen etiam ipse Princeps, & Status Provinciales tam Ecclesiastici, uti Prelati & Abbatissæ, quām Sacerdotes pendunt; cum non videat, quomodo Clericis Sacerdotibus, qui Status Provinciales non sunt, & ideo in hanc pensionem non consenserunt, ea imponi potuerit: quamquam in fine ab ultimata hujus controversiæ decisione abstineat, eamque Sapientiorum judicio relinquat

linquat. Ex quibus negari posset  
*Antec.* argumenti, vel eō cum dicta  
declaratione transmisso consequentia &  
paritas.

Ad III. Rursus respondet idem Illus-  
triss. Auctor sic: si pedagia &c. exi-  
gantur pro fufferendis publicis one-  
ribus, vel conservatione statū Prin-  
cipis, lucri vel quæstū causā, tunc  
æquiparantur vēctigalibus & portoriis,  
consequenter non ligant Clericos &  
personas Ecclesiasticas: si verò exi-  
gantur pro expensis in reparationem  
viarum privatarum, vel pontium,  
factis aut faciendis, non in particu-  
lare Principis aut Reipublicæ emolu-  
mentum, tunc ad concurrendum, &  
titulō impensarum, non jurisdic-  
tio-  
nis Sæcularium, obligantur ex æqui-  
tate naturali; cùm utilitas redundet  
in singulos, & talia opera immedia-  
tè in privatum singulorum commo-  
dum cedant, ut si communitas, v. g.  
civitas, pagus, privatos ædificet pon-  
ticulos, aut privatas conficiat vias, ad  
Clericorum æquè ac aliorum priva-  
tam commoditatem; tunc enim æqui-  
um est, ut, sicut participantes de com-  
modo, etiam participant de onere,  
paucos nummos solvendo, quando  
utuntur ejusmodi viis & pontibus,  
donec nimirum expense factæ refun-  
dantur, vel ut facienda in reparatio-  
nem suffpetant.

Ad IV. *N. antec.* vel *dīst.* ligari pos-  
sunt consuetudine Sacris Canonibus  
consona & legitimè præscripta, atque  
consensum Legislatoris Ecclesiastici  
saltem legalem habente. *C. antec.* Sa-

cris Canonibus contraria, qualis est  
omnis, quæ repugnat libertati Eccle-  
siasticae, vel non legitimè præscripta,  
aut consensu saltem legali Pontificis  
destituta. *N. ant.* & *conf.* Sic ut enī  
statuta Laicorum immunitati Ecclesias-  
tice contraria à jure Canonicō &  
Civili non sustinentur: ita nec hujus-  
modi consuetudines. *c. Novit. 49. de*  
*Sent. excom. Auth. Caffa C. de SS. Ecel.*  
Illa consuetudo, cui dicitur inniti  
statutum Bavanicum *der erklärten*  
*Lands-Freyheit* / aliter sustineri non  
potest, nisi in quantum innititur con-  
sensui Papæ, vel privilegio ejusdem  
saltem præsumpto. Ea tamen à Sta-  
tibus Provincia Ecclesiasticis, quos  
propterea in causis personalibus, bona  
iporum temporalia concernentibus  
coram summis tribunibus Principis  
conveniri posse ajunt, extendi  
non debet ad Clericos inferiores, &  
personas Ecclesiasticas, quæ Status  
Provinciales non sunt; cùm consue-  
tudo contraria Juri strictæ sit inter-  
pretationis.

Ad V. Imprimis dominium *altum*  
& *eminens* non est aliud, nisi domi-  
nium jurisdictionis, seu suprema ju-  
risdiction & plenitudo potestatis; adeoque in bona non - subditorum  
( quales sunt Clerici respectu Laico-  
rum) se non extendit. Si tamen ne-  
cessitas Reipublicæ exigat, ut circa  
res Clericorum aliquid disponant  
Laici, v. g. diruendo ædes, quæ ob-  
stant defensioni urbis, Respublica id  
facere nequit ex dominio alto, seu  
suprema jurisdictione, sed jure de-  
fensi-

fensionis necessariae, quæ jure naturali conceditur etiam contra non subditos. Debet tamen defensio, ut sit justa, habere moderamen in culpa & tutela, nec obtendi contra eos, qui & quamdiu utuntur jure sibi competente, & injusti aggressores non sunt; aut quādū aliud remedium supereft, nec debet fieri plus, quām praeceps ad defensionem necessariam est; item, si periculum in mora non sit, & agatur de bonis Clericorum, recurrī prius debet ad eorum legitimū Superiorem; alias enim non effet defensio necessaria & legitima, sed invasio iniqua. Deinde negatur suppositionis, quād necessitas, vel utilitas Reipublicæ conferat jurisdictionem in alios, alias non subditos: jus defensionis confert, non jurisdictionis. Ceterum si sufficeret publica utilitas ad ligandos legibus Laicorum Clericos, quālibet lex Laicorum vel statutum deberet ligare Clericos; cūm omnis lex necessariō & essentialiter spectet utilitatem publicam. *can. erit autem d.*

*4. Si regeras, Clericos sentire commodum Reipublicæ politicæ: ergo & onus legum sentire debent.* *¶ Si hoc onus ipsis imponere posset legislator Laicus.* *C. secus. Nego.* Sed sic turbatur communis, *ais. ¶ Neg.* Sæpe etiam Sæculares, pura Nobiles &c. eximuntur à communī lege. & tamen non turbatur Respublica.

Ad 6. Si lex teloniōrum mentionem faceret de Clericis, & sic directe intenderet eos ligare, per se & nimis manifeste foret nulla; tum pro-

(*R. P. Pickler Decisiones.*)

pter defectum jurisdictionis, quam legislator Laicus non habet, tum quia præjudicaret libertati Ecclesiastice. Si verò mentionem non facit Clericorum, eo ipso ad hos, utope non subditos, non est extendenda, ac insuper quia est odiosa, per Jura notoria. *Gail l. 2. obser. 32. n. 3.* cum communi. Dein legislator, mentionem explicitam non faciens Clericorum, vel intendit tacite & implicitè obligare Clericos, vel non? si non, hoc ipso non obligantur: si ita, tunc non per accidens, ut vult objectio, lege afficerentur Clerici, sed per se, & ex intentione legislatoris tacita, & quidem meō judicio directe; consequenter nulla effet vis hujus legis; quia taciti & expressi eadem vis est, & non est. Sed nec indirecte leges in Clericos ferri à Laicis possunt, ut habet communis forte omnium Catholicorum, qui ritè accipiunt vocem *indirecte*, & clarè desumitur ex Bulla Coenæ casu §. nempe propter defectum jurisdictionis; præfertim quando talis lex cedit in præjudicium libertatis Ecclesiastice; cūm nihil intersit, an directe vel indirecte personis Ecclesiasticis afferatur jus, privilegium, favor aliunde competens: nec tam verba legis, quām effectus, quem legislator intendit directe vel indirecte, adeoque intentio legis, attendantur. Unde, si legislator Laicus statueret, ut accusa in solidum solvat Laicus aliquid vendens Ecclesiarum vel Clerico, statutum effet nullum. *Carol. de Graffis*

n. 481. quia per indirectum lade-  
retur Ecclesia vel Clericus, non per  
accidens tantum ; qui propterea  
deberet tanto carius emere. Ad  
Confirmationem negatur paritas ;  
quia exteris Laicis per tale statu-

tum non admittitur jus aliunde com-  
petens ; bene tamen Clericis ,  
quorum proin laderetur libertas ,  
& Jus tam Civile quam Canonici-  
cum , utique non sine peccato.

## TITULUS III.

### De Rescriptis.

#### DECISIO III.

De Dispensatione in impedimento Matrimonii  
per Rescriptum obtenta, cuius petitio per erro-  
rem perperam fuit formata.

#### SPECIES FACTI.

**A**DOLPHUS Majerus statuerat con-  
trahere Matrimonium cum An-  
na Crusia, at quia ipsi obstabat affi-  
nitas in tertio gradu cum hac puella,  
dispensationem super hoc impedimen-  
to per tertium quemdam impetrari  
Romæ sibi voluit. Sed iste tertius  
partim per incuriam partim per imperi-  
tiam non debito modo esformavit peti-  
tionem; nam loco *Adolphus* scripsit *Ru-  
dolphus*, & loco *affinitatis* posuit im-  
pedimentum *confanguinitatis*, diœcesin  
quam Anna habuit diversam à diœce-

si *Adolphi*, non expreſſit, immo haud  
obſcure insinuavit, utriusque originem  
& diœcesin esse eandem. Unde Ro-  
ma, quæ ſolet in hiſ casibus dispensa-  
tionem, vel huius executionem com-  
mittere Ordinario ſponsæ, Rescriptum  
miſit ad Ordinarium *Adolphi*, rata,  
eundem eſſe Ordinarium etiam ſpon-  
ſæ quoad originem; nam in dispensationibus  
matrimonialibus Roma at-  
tendere ſolet locum originis, non  
domicilii, niſi Oratores expreſſe ve-  
lint Rescriptum dirigi ad Ordinarium  
domicilii. Unde oriebatur

*Quæſtio.*